



**Barat linguistic en Grischun**

En l'ura da dumondas ha deputà Diego Deplazes tematisà la bassa quota da barats da classas tar nus.

2



**Chanzuns d'uffants vaira brutalas**

Il redactur da la Pagina da Surmeir Peder Antona Baltermia s'occupa oz da las chanzuns d'uffants.

8

südostschweiz

# LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch

## Dretgira refusa recurs da Prime Elements

■ (rtr) La vischnanca da Tujetsch ha agi correct da betg prolongar la lubientscha da bajegiar a la societad Prime Elements da Cham. Quai ha la Dretgira administrativa decis e refusà il recurs da l'interpresa en il chantun Zug. La societad Prime Elements aveva cumprà il 2012 l'anteriur hotel Alpsu a Sedrun e stgarpà giu quel. Suentar che las lavurs da construcziun avevan cumenzà il 2016 eran quellas vegnidas sistidas pervi da mancanza da daners. Suentar che la vischnanca aveva pliras giadas prolungà la lubientscha da bajegiar n'aveva ella la primavaira passada betg pli fatg quai. La dretgira argumentescha sia decisiun da refusar il recurs da Prime Elements cun quai che l'interpresa haja ussa gia passa tschintg onns temp per bajegiar il project planisà a Tujetsch. Plina-

vant stettia er l'interess public en il center. L'interess public haja precedenza avant l'interess economic da la Prime Elements dad anc ina giada prolongar ina lubientscha da bajegiar che na vegnia tut tenor puspè betg duvrada e saja cun quai dispitaivla. La Prime Elements ha plinavant argumentà che la vischnanca haja dà ad els memia baud la lubientscha da bajegiar. Da quest temp na saja la planisaziun anc betg stada substanziala avunda. La dretgira ha dentant decidì che quai saja stà en l'interess da la Prime Elements. Els avevan numnadamain survegnì la lubientscha il december 2012. Pia curt avant che l'iniziativa cunter abitaziuns secundaras è vegnida realisada. Quai saja stà en l'interess da la Prime Elements perquai ch'in tal project na fiss suenter l'iniziativa betg pli stà realisabel.

## In avantatg per famiglias

A Sagogn porscha la parcella dil Fri schanzas

DAD AUGUSTIN BEELI / ANR

■ «Tgei schabegia culla gronda parcella dil Fri?» sedamondan ins a Sagogn. L'anteriura surfatscha da speculaziun e carschen anorganica savess daventar in quartier niev. Ella periferia han las suprastonzas communalas actualmeins in pensum da casa plitost malengraziavel. El las ston definir midadas da zona. Sagogn s'auda tier las numerusas vischnauncas nua ch'ins sto far quei. La gronda parcella «il Fri» amiez il vitg influenzescha il decuors dalla planisaziun. Il grond prau da 14 784 m<sup>2</sup> s'udeva alla famiglia Schmidt-Candrian ch'ha s'udiu denter ils piuniers dalla hotellaria a Flem. Oz ei quei spazi da bunamein 1,5 hectaras definis sco zona centrala cun cundiziuns specialas. Facticamein ei il Fri terren da baghegiar. Per la vischnaunca ei la parcella ina carga, pertgei ella blochescha la planisaziun actuala. Il problem ei la zona centrala. Per Sandro Hofmann ei il possess a Sagogn tutttavia buc ina carga. «Jeu vesess ch'ei dat ina parcellaziun per casas d'ina famiglia»,



Sagogn consista da duas parts, Vitg dadens (cun baselgias) e Vitg dado. La gronda parcella dil Fri cunfinescha quei caracter dil maletg dil vitg.

FOTO A. BEELI

presuppona el. La societad proprietaria sa dil reminent nezegiar quei sulom per nuot auter che per quei intent. La suprastonza communal da Sagogn ei en contact

cun Hofmann. Finamira fuss ei da concepir il quartier niev cun casas per indigens. La discussiun sur lunder ha aunc buc entschiet ufficialmeins. Finamira ei ina carschen

organica e buca pli sco antruras in disuorden anorganic cun surbaghegiadas vitas e barcuns serrai.

> PAGINA 3



Sajettà precis: Chris Wolf, Annina Tomaschett ed Enrica Caluori (da san.).

FOTO G. N. STGIER

## Campiunessa grischuna

■ (anr/gns) A Cuirra han gi lieu ils Campiunadis grischuns da tir sin la distanza da 10 meters. Stads en quels intergads en l'exposiziun Passiun ed uschia ha er in grond public persequit la concurrenza da tir. En la categoria dals juniors è Annina Tomaschett da Trun vegnida campiunessa grischuna cun il schluppet pneumatic. Per la

commembra dal cader naziunal da juniors è quai in grond success en sia carriera giuvna. Vicecampiun è vegnì Chris Wolf da Trun. Tar ils giuvenils è Anja Cadalbert da Sevegin vegnida campiunessa grischuna. Ina medaglia ha er fatg Enrica Caluori.

> PAGINA 6

## A favur da la crusch

■ (anr/ac) Il cussegl grond è suanda il mardi passà cun gronda maiorità la proposta da la regenza ed ha acceptà l'incumbensa da fracziun da la pbd. Uschia po la regenza preschentar proximamain al cussegl grond ina proposta per midar il sistem d'elecziun che lubescha da stgaffir ina glista da candidats e far ina crusch per l'elecziun enstagl da scriver il num dal candidat preferì. In sistem gia previs per la votaziun electronica. La basa legala per quella votaziun electronica ha il cussegl grond gia acceptà l'onni passà.

> PAGINA 2

## Üsanzas han pers lur funcziun

Procurar cha las üsanzas politicas vegnan mantgnüdas

DAD ANNATINA FILLI / ANR

■ Culla fusiun dals cumüns da Guarda, Ardez, Ftan, Tarasp, Scuol e Sent d'eira gnü giavüschà da procurar cha las üsanzas nu gijajan a perder pervi da la fusiun. Tschertas üsanzas politicas han pers lur funcziun, ma la majorità da las üsanzas s'haja pudü mantgnair. A Ftan s'ingascha üna

gruppa d'iniziantes pel mantegniment da lur tradiziuns. L'idea dals iniziantes es d'organisar sairadas d'infuormaziun e da sensibilisar a las abitantas e als abitants per lur intent. Las üsanzas importantas a Ftan sun il Schüschaiver e'l Chalandamarz. Intant cha'l Schüschaiver ha, pervi da la fusiun, pers ün pa da sia funcziun politica vain miss in dumonda il Chalandamarz.

«Blera glied ha l'impreschiun cha nos Chalandamarz cun sias mascras e las vaschias da püerch saja ün'üsanza brutalas», manzuna Silvia Vonlanthen-Lehner, üna da las iniziantas da Ftan. Ella es persvasa chi fetscha dabsögn d'infuormar a la glied davart il sen e l'istorgia da las singulas üsanzas.

> PAGINA 7

## Nagin whatsapp en scola

■ (anr/ac) La scola da Glion è suandada la recumondaziun da l'uniun tetgala da las persunas d'instrucziun svizras da bandischar il servetsch da novitads curtas da la comunicaziun tranter scolars, geniturs e persunas d'instrucziun. La scola da Glion n'è betg la suletta scola a la tschertga dad alternativas al servetsch gratuit apprezzià da

scolaras e scolars dal stgalim superiuor. L'uniun da scolastas e scolasts fa valair ina manglusa protecziun da datas dals singuls utilisaders da whatsapp e la probabladad che facebook plazzescha proximamain reclama individuala sin la plattform da novitads curtas.

> PAGINA 3

## Nov umens e quatter dunnas van a Seefeld

■ (cp) Per ils Campiunadis mundials da passlung a Seefeld èn vegnids selecciunads nov umens e quatter dunnas. Ils Grischuns Jonas Baumann, Dario Colonna e Toni Livers. Lura Roman Furger, Jovian Hediger, Beda Klee, Jason Rüesch, Roman Schaad ed Ueli Schneider. Tar las dunnas pon ir Laurien van der Graaff, Nadine Fäbndrich, Lydia Hiernickel e Nathalie von Siebenthal. Ils Campiunadis mundials da passlung han lieu a partir dals 20 da favrer fin ils 3 da mars a Seefeld en Austria.



La cumpagnia da Chalandamarz culs traits mats ils plü vegls e la «bulavitra».

MAD



30007

Servetsch d'abunents e da distribuziun: tel. 0844 226 226 mail: abo@somedia.ch